

- Inspektorat -

Ekonom. kod	VRSTA RASHODA	Plan 2003.	Korekcija +/-	Prijedlog izmjena
611100	Bruto plaće i naknade	33.000.-		33.000.-
611200	Naknade troškova zaposl.	5.850.-		5.850.-
611211	Naknade za prevoz	600.-		600.-
611221	Naknade za topli obrok	5.250.-		5.250.-
611224	Regres za godišnji odmor	-		-
611226	Naknada za jubilaru nagradu i slično	-		-
612111	Doprinosi na teret poslodavca	4.000.-		4.000.-
613000	Izdaci za materijal i usluge	1.700.-		1.700.-
613100	Putni troškovi	200.-		200.-
613322	PTT usluge	700.-		700.-
613411	Kancelarijski materijal	800.-		800.-
	Ostale usluge:	-		-
	U K U P N O:	44.550.-		44.550.-
615000	Kapitalni grantovi sredstva za prinudno izvršenje inspeksijskih rješenja	25.000.-		25.000.-
	S V E U K U P N O :	69.550.-		69.550.-

Broj izvršioca: 2.

Član 4.

O korištenju sredstava tekuće budžetske rezerve odlučuje općinski načelnik. U tekuću budžetsku rezervu izdvaja se 30.000.- KM.

Član 5.

Član 5. mijenja se i glasi:

"Ove izmjene i dopune Budžeta stupaju na snagu danom objave u "Službenim novinama Kantona Sarajevo", a primjenjivat će se za fiskalnu 2003. godinu."

Broj 01-14.2-3532/03
29. septembra 2003. godine
Hadžići

Predsjedavajući
Općinskog vijeća Hadžići
Osman Šehić, s. r.

Na osnovu člana 32. Statuta Općine Hadžići ("Službene novine Kantona Sarajevo", broj 18/01) i člana 23. Zakona o prostornom uređenju ("Službene novine Federacije BiH", broj 52/02) i čl. 49. i 56. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99, 24/01 i 32/01), Općinsko vijeće Hadžići, na sjednici održanoj 29. septembra 2003. godine, donijelo je

ODLUKU**O PRISTUPANJU IZRADI IZMJENA I DOPUNA
REGULACIONOG PLANA "CENTAR" HADŽIĆI**

Član 1.

Pristupa se izradi izmjena i dopuna Regulacionog plana "Centar" Hadžići (u daljem tekstu: Plan).

Član 2.

Granica obuhvata izmjena i dopuna Plana polazi od tačke broj 1 koja se nalazi na parceli k. č. 941 udaljenoj od sjeveroistočnog ishodišta lista R 1:1000 Hadžići - 28 - 5 p y = 143 m a po x = 25,5 m ide u pravoj liniji na jugoistok i dolazi do tačke broj 2 koja se nalazi na parceli k. č. 935/1 udaljenoj od sjeveroistočnog ishodišta lista R = 1:1000 Hadžići č 28 - 5 po y = 120,5 m a po x 45 m, lomi se idući na jugozapad uzvodno desnom obalom regulisanog korita rijeke Zujevine (obuhvata je) i dolazi do mosta na rijeci Zujevini, produžava na sjeverozapad te sjeveroistok idući uz put kojeg ne obuhvata, te dolazi do tačke broj 1 odnosno mjesta odakle je opis granice i počeo. Sve naprijed navedene parcele nalaze se u K.O. Hadžići. Ukupna površina obuhvata iznosi 1, 6 ha.

Član 3.

Plan se donosi za period od 10 godina (2003. - 2013).

Član 4.

Izmjena i dopuna Regulacionog plana "Centar Hadžići" vrši se u dijelu koji se odnosi na zonu stambeno poslovne namjene, a na osnovu inicijative prihvaćene na sjednici Općinskog vijeća. Inicijativa je pokrenuta u cilju izgradnje poslovnog centra na ovom lokalitetu. Kroz izradu Izmjene i dopuna Regulacionog plana "Centar Hadžići" potrebno je:

- izvršiti snimanje postojećeg stanja u prostornom obuhvatu, a sa horizontalnom i vertikalnom predstavom,
- izvršiti detaljno ispitivanje inženjersko geoloških i geomehaničkih osobina terena,
- razmotriti mogućnost optimalnog lociranja poslovnog centra uzevši u obzir postojeće stanje,
- ispitati mogućnost optimalnog rješenja saobraćaja u mirovanju (garaža i parking) kapaciteta koji će zadovoljiti potrebe sadašnjih i budućih sadržaja u sklopu samog objekta,
- hortikulturnim rješenjem nadopuniti sadržaje koji se planiraju u obuhvatu Plana i povezati iste sa sličnim sadržajima u kontaktnim zonama,
- planirati opremanje područja komunalnom infrastrukturom za potrebe planiranih sadržaja kroz rekonstrukciju i proširenje mreže vodosnabdijevanja, odvođenja otpadnih voda, elektroenergetike, toplifikacije-gasifikacije, TK mreže i drugo.

Član 5.

Rok za izradu Prednacrt Plana je pet (5) mjeseci od donošenja ove odluke i obezbjeđenja sredstava.

Član 6.

Sredstva za primjenu i izradu Plana u iznosu od 16.800,00 KM obezbijedit će Općina Hadžići iz Budžeta za 2003. godinu.

Član 7.

Nosilac pripreme za izradu Plana je načelnik Općine Hadžići. Nosilac izrade Plana je Zavod za planiranje razvoja Kantona Sarajevo.

Član 8.

Izradi Plana prethodi izrada analitičko-dokumentacione osnove.

Nosilac pripreme za izradu Plana će verifikovati dokumente iz prethodnog stava.

Član 9.

Nosilac izrade Plana će izraditi Prednacrt plana i dostaviti ga Nosiocu pripreme za izradu Plana radi utvrđivanja Nacrta Plana.

Nosilac pripreme za izradu Plana će utvrditi Nacrt Plana i podnijeti ga Općinskom vijeću na razmatranje i stavljanje na javni uvid i raspravu u trajanju od 30 dana.

Nosilac pripreme za izradu Plana će provesti javni uvid i raspravu o Nacrtu Plana.

Član 10.

Na osnovu rezultata javne rasprave i stava o Nacrtu Plana, Nosilac pripreme za izradu Plana utvrdit će Prijedlog plana i podnijeti ga Općinskom vijeću Hadžići na donošenje.

Član 11.

Subjekti planiranja su: Kanton Sarajevo, Općina Hadžići, Zavod za izgradnju Kantona Sarajevo, komunalna i javna komunalna preduzeća, vlasnici i korisnici zemljišta, potencijalni investitori i drugi zainteresovani subjekti koji iskazuju svoj interes.

Član 12.

Utvrđuje se režim zabrane građenja u obuhvatu u kojem se vrše izmjene i dopuna Regulacionog plana "Centar" Hadžići, do

donošenja Plana, a najduže dvije godine od stupanja na snagu ove Odluke.

Član 13.

Sastavni dio ove odluke je grafički prilog R 1 : 1000.

Član 14.

Ova odluka stupa na snagu osam dana od dana objavljivanja u "Službenim novinama Kantona Sarajevo".

Broj 01-23.1-3512/03

29. septembra 2003. godine

Hadžići

Predsjedavajući

Općinskog vijeća Hadžići

Osman Šehić, s. r.

Na osnovu čl. 29. i 42. Zakona o lokalnoj samoupravi - prečišćeni tekst ("Službene novine Kantona Sarajevo", broj 22/00), člana 8. Zakona o pripadnosti javnih prihoda u Federaciji Bosne i Hercegovine ("Službene novine Federacije BiH", broj 26/96) i člana 32. Statuta općine Hadžići ("Službene novine Kantona Sarajevo", broj 18/01), Općinsko vijeće Hadžići, na 33. sjednici održanoj dana 29. septembra 2003. godine, donijelo je

ODLUKU

**O NAKNADAMA POSEBNIH USLUGA U SLUŽBI ZA
OPĆU UPRAVU OPĆINE HADŽIĆI**

Član 1.

Ovom odlukom (u daljem tekstu: Odluka) utvrđuju se posebne usluge koje pruža Služba opće uprave Općine Hadžići, kao i visina naknade za obavljanje istih.

Član 2.

Posebnim uslugama u smislu člana 1. ove odluke smatraju se:

1. Zaključenje braka u prostorijama Matičnog ureda Općine Hadžići svakim redovnim radnim danom u sedmici, van radnog vremena i to od 16,00 do 19,00 sati i zaključenje braka subotom u objektu KSIRC-a Hadžići.
2. Zaključenje braka nedjeljom u prostorijama Matičnog ureda Općine Hadžići.
3. Zaključenje braka svim danima u sedmici u ugostiteljskom objektu, sopstvenom stanu i u drugom sličnom javnom objektu u vremenu od 8,00 do 19,00 sati (na području Općine Hadžići).
4. Legalizacija potpisa po posebnom zahtjevu van zgrade Općine Hadžići na području Općine Hadžići i u redovno radno vrijeme (od 8,00 do 16,00 sati).

Član 3.

Korisnik posebnih usluga iz člana 2. ove odluke plaća naknadu u slijedećem iznosu:

1. Zaključenje braka u prostorijama Matičnog ureda Općine Hadžići svakim redovnim radnim danom u sedmici van radnog vremena i to od 16,00 do 19,00 sati i zaključenje braka subotom u objektu KSIRC-a Hadžići30 KM.
2. Zaključenje braka nedjeljom u prostorijama Matičnog ureda Općine Hadžići..... 50 KM
3. Zaključenje braka svim danima u sedmici u ugostiteljskom objektu, sopstvenom stanu i u drugom sličnom javnom objektu u vremenu od 8,00 do 19,00 sati..... 100,00KM
4. Legalizacija potpisa po posebnom zahtjevu van zgrade Općine Hadžići na području Općine Hadžići i u redovno radno vrijeme (od 8,00 do 16,00 sati)
 - do 10 ovjera.....20 KM
 - od 10 do 100 ovjera..... 50 KM
 - preko 100 ovjera..... 100 KM

Član 4.

Zaključenje braka u redovno radno vrijeme u svim radnim danima u sedmici u prostorijama Matičnog ureda Općine